

**«Մխիթար Սեբաստացի» կրթահամալիր
Ստեղծողի մոբիլ դպրոց
2016-2017 ուստարի
4-5-րդ դասարաններ
Ուսումնական պլան**

Բովանդակություն	IV		V	
	Շաբ.	Տար.	Շաբ.	Տար.
Ընդհանուր բաղկացուցիչ				
Մայրենի	5	170	5	180
Անգլերեն	2	68	2	72
Ռուսերեն	2	68	2	72
Մաթեմատիկա	4	136	4	144
Բնագիտություն	2	68	2	72
Հայրենագիտություն	2	68	2	72
Երաժշտություն, պար	2	68	2	72
Տեխնոլոգիա-դիզայն-կերպարվեստ	2	68	2	72
Ֆիզկուլտուրա	3	102	3	108
Սովորողի ընտրությամբ բաղկացուցիչ				
Սովորողի ընտրած գործունեություն	4	136	4	144
Ընդամենը	28	952	28	1008
Տնային ուսումնական աշխատանք	Նշել			
Լրացուցիչ կրթություն	Նշել			

Ուսումնական պլանի պարզաբանումներ

1. Ուսումնական պլանը «Ստեղծողի մոբիլ դպրոց» հեղինակային (պետական այլընտրանքային) կրթական ծրագրի (այսուհետ՝ Ծրագիր) սովորողի ուսումնառության պայմանագրի հավելվածն է:
2. Կրթահամալիրի դպրոց ընդունվում է այն սովորողը, որի ծնողն (օրինական ներկայացուցիչը) ընտրում է Ծրագիրը և սահմանված կարգով պայմանագիր կնքում ուսումնառության մասին:
3. Ուսումնական պլանը կազմված է ընդհանուր, սովորողի ընտրությամբ բաղկացուցիչներից:

4. Դասարանում սովորողների թիվը 20-25 է: Սովորողի ընտրությամբ գործունեությունը կազմակերպվում է 12-22 հոգիանոց խմբերով:
5. Ուսումնական պլանի պարզաբանումներում նշված կարգերը ուսումնական պլանի հավելվածն են: Դրանք դպրոցի ղեկավարի ներկայացմամբ հաստատում է կրթահամալիրի տնօրենը:
6. Ուսումնական տարին կազմակերպվում է կրթահամալիրի (դպրոցի, դասարանի, դասընթացի, ակումբի, սովորողի ընտրությամբ գործունեության, լրացուցիչ կրթության) տարեկան ուսումնական օրացույցով: Դրանցով որոշվում են ուսումնական պարապմունքները և ճամբարները, ստուգատեսները, ծեսերը և տոները՝ նաև որպես լրացուցիչ ուսուցում:
7. Ուսումնական տարին սկսվում է 2016թ. օգոստոսի 30-ին:
8. 2016թ. հոկտեմբերի 24-ից 30-ը ուսուցումը, սահմանված կարգով, կազմակերպվում է «Ուսումնական աշուն» նախագծով:
9. 2016թ. դեկտեմբերի 26-ից մինչև 2017թ. հունվարի 8-ը ուսուցումը, սահմանված կարգով, կազմակերպվում է «Ուսումնական ձմեռ» նախագծով:
10. 2017թ. հունվարի 9-ից 20-ը ուսուցումը, սահմանված կարգով, կազմակերպվում է «Հանրակրթական ձմեռային ճամբար» նախագծով:
11. 2017թ. մարտի 27-ից մինչև 2017թ. ապրիլի 2-ը ուսուցումը, սահմանված կարգով, կազմակերպվում է «Ուսումնական գարուն» նախագծով:
12. 2017թ. մայիսի 29-ից մինչև 2017թ. հունիսի 9-ը ուսուցումը, սահմանված կարգով, կազմակերպվում է «Հանրակրթական ամառային ճամբար» նախագծով:
13. Հունիս-օգոստոս ամիսներին ուսուցումը, սահմանված կարգով, կազմակերպվում է «Ուսումնական ամառ» նախագծով:
14. Ուսուցումը կազմակերպվում է ուսուցողական թվային միջոցներ կիրառելով: Դասավանդողը և սովորողը դպրոց են գալիս սահմանված տեխնիկական պայմաններին բավարարող անհատական ներթուրք-նորթուրքով կամ պլանշետով, տանն ունեն համացանց: Ծրագիրը դպրոցում ապահովում է անլար համացանցից, համակարգչից, ձայնագրիչից, ֆոտոխցիկից ուսումնական նպատակներով անարգել օգտվելու հնարավորություն:
15. Մեդիագրադարանը, դպրոցի գրադարանը, դասավանդողների բլոգները սովորողին տանը և դպրոցում ապահովում են անհրաժեշտ ուսումնական էլեկտրոնային և տպագիր նյութերով, միջոցներով:
16. Սովորողն ունի ուսումնական բլոգ, որում սահմանված կարգով արտացոլվում է նրա ուսումնական գործունեությունը:
17. Սովորողի ուսումնական առաջադիմությունը, գործունեության արդյունքները, ճամբարներին, ճամփորդություններին, ստուգատեսներին, ֆլեշմոբերին, նախագծերին մասնակցությունը, սովորողի մասին անհրաժեշտ այլ տեղեկություններ սահմանված կարգով էլեկտրոնային գրանցում են ստանում: Դասավանդողի գործունեության արդյունքները նույնպես սահմանված կարգով էլեկտրոնային գրանցում են ստանում:
18. Շրջապատի, նյութական միջավայրի բարելավման, ուսումնական-հասարակական (քաղաքացիական կրթության) նախագծերն իրականացվում են սահմանված կարգով:
19. Ուսումնական շաբաթը 5-օրյա է: Ծնողի համաձայնությամբ շաբաթ օրերին կարող են կազմակերպվել լրացուցիչ կրթության պարապմունքներ, հայրենագիտական, ուսումնական ճամփորդություններ, իրականացվել ուսումնական-հասարակական նախագծեր:
20. Ուսումնական օրը ներառում է Ծրագրի 15 բոլոր տևողությամբ ընդհանուր պարապմունք՝ սահմանված կարգով և ծրագրով:

21. Ուսուցման կազմակերպման մեջ սահմանված կարգով կիրառվում են առկա, հեռավար, առցանց, տնային ուսուցման ձևեր:
22. Սովորողն ուսումնական գործունեության մեջ օգտագործում է համակարգչային տեքստային խմբագիր, ֆոտոխցիկ, ձայնագրիչ, համացանցում որոնողական ծրագիր, մոնտաժային որևէ ծրագիր, էլեկտրոնային բառարաններ, էլեկտրոնային քարտեզ, սովորում է ներկայացում կազմակարպելու ծրագիր:
23. «Հայրենագիտությունը» կազմակերպվում է ուսումնական ճամփորդությունների, բանահավաքչության, ուսումնական այլ նախագծերի ձևով, որպես բաղկացուցիչներ ներառում է նաև «Դիցաբանություն», «Հայոց եկեղեցու պատմություն»:
24. Բնագիտության ուսուցումը կազմակերպվում է լաբորատոր պայմաններում, փորձի հիման վրա, բնագիտական, բնապահպանական, բույսերի և կենդանիների խնամքի նախագծերի ձևով:
25. Երաժշտության ուսուցումը կազմակերպվում է խմբային երգեցողության և պարի, երաժշտության ունկնդրման, համերգների, թատրոնի-կինոյի, ծեսերի և տոների մասնակցության ուսումնական նախագծերի միջոցով:
26. «Տեխնոլոգիա-դիզայն-կերպարվեստ» դասընթացը կազմակերպվում է խոհանոցային, բույսերի և կենդանիների խնամքի, դիզայնի, խեցեգործական, առողջության պահպանության, ծեսերի, տոների, ցուցադրությունների, տոնավաճառների, «Կրթական պարտեզ» ծրագրի մասնակցության ուսումնական նախագծերի ձևով:
27. 4-րդ դասարանում ֆիզկուլտուրան ներառում է մարմնամարզություն, տրիաթլոնի երկու բաղադրիչ՝ վազք և հեծանիվ, ծանոթացում տարբեր մարզաձևերի: Լողալ և հեծանիվ վարել կարողանալը 4-րդ դասարանն ավարտողի պարտադիր կարողություններ են: 5-րդ դասարանում ֆիզկուլտուրան սովորողի ընտրած անհատական կամ թիմային մարզաձևի պարապմունքներն են, մրցումները: Սովորողին առաջարկվող մարզաձևեր են հնգամարտ, ակադեմիական թիավարություն, բայդարկա, կանոե, նետաձգություն, սուսերամարտ, մարմնամարզություն, ֆուտբոլ, բասկետբոլ, վոլեյբոլ, ձեռքի գնդակ: Սովորողը անվտանգ գործունեության հմտություններ գործնական եղանակով ձեռք է բերում քայլարշավների, բարձունքներ հաղթահարելու, վրանային ճամբարների ժամանակ: Որպես լրացուցիչ կրթություն՝ սովորողը կարող է ընտրել լող, հեծանիվ, սեղանի թենիս, եռամարտ:
28. Տնային ուսումնական աշխատանքը կազմակերպվում է սովորողի և ծնողի համաձայնեցված ընտրությամբ:
29. Սովորողն իր ընտրությամբ շաբաթական 4 ժամ սահմանված կարգով իրականացնում է գործունեություններից մեկը՝ մեդիալրագրողի, մաթեմատիկոսի, հայրենագետի, մարզիկի, երաժշտություն (սուֆեջիո, երաժշտական կոմպոզիցիա), բուսաբան-կենդանաբանի, դիզայների, թատերական գործունեություն, բնագիտական-տեխնիկական ստեղծագործություն, կինո-ֆոտոգործ, արհեստ:
30. Լրացուցիչ կրթությունը կազմակերպվում է կրթահամալիրի դպրոցներում, ուսումնական կենտրոններում՝ սովորողի ծնողի հետ կնքվող լրացուցիչ կրթության պայմանագրով, որպես ուսումնառության պայմանագրի հավելված, սահմանված կարգով: Սովորողը կարող է լրացուցիչ ուսուցման դասընթաց ստանալ նաև կրթահամալիրից դուրս, սահմանված կարգով:
31. Դասավանդողի բլոգին, դպրոցի, կրթահամալիրի կայքերին հետևելը և դրանց աշխատանքին մասնակցելը, էլեկտրոնային հասցե ունենալ-վարելը, համացանցային տարածքներից՝ one

drive, google drive, dropbox և այլ, օգտվելը, ուսումնական բլոգ վարելը սովորողի ուսումնական աշխատանքն է:

32. Ուսումնական պարապմունքները սահմանված կարգով կազմակերպվում են հիգիենիկ միջավայրում, այդ թվում՝ բացօթյա:
33. Հիգիենիկ պահանջների պահպանումը, ուսումնական ներքին, արտաքին տարածքների, գույքի խնամքը սովորողի ինքնուրույնության և ինքնասպասարկման արդյունք են:
34. Սահմանված կարգով իրականացվող ուսումնական ճամփորդությունները դասընթացների, ընտրությամբ գործունեության, ուսումնական նախագծերի բաղկացուցիչն են:
35. Կրթության առանձնահատուկ պայմանների կարիքով սովորողի ուսուցումը կազմակերպվում է անհատական ուսումնական պլանով:
36. Տևական շրջան Հայաստանից բացակայած, տարբեր պատճառներով ուսումնական ծրագիրը չյուրացրած սովորողի համար կրթական ծրագիրը սահմանված կարգով կարող է կազմակերպվել անհատական ծրագրերով:
37. Գնահատումը կատարվում է սովորողի սեպտեմբեր-դեկտեմբերի, հունվարի, փետրվար-մայիսի, հունիսի ուսումնական գործունեության հրապարակված արդյունքներով (ուսումնական բլոգ, ցուցադրություն, համերգ, ֆլեշմոբերի, ծեսերի-տոների, ստուգատեսների, ճամբարների, ճամփորդությունների մասնակցություն): Գնահատումը 10 միավորանոց համակարգով է:
38. Չորրորդ դասարանի վերջում, սահմանված կարգով, անցկացվում են ուսումնական աշխատանքի արդյունքների ուսումնասիրություններ: